

# 台灣文學 - 自由體台語詩

## 〈思念阿母〉

作者：藍淑貞

風 對遠遠的東片吹來  
吹過山頭  
吹過樹尾  
吹到阿母在睏的茲塊土地  
敢有帶來阿母要交待的話

雨 對高高的天頂落落來  
落置草埔  
落置大海  
落置阿母在睏的茲個所在  
敢是阿母在想阮的目屎

思念親像墓邊的青草  
愈生愈濟  
愈發愈長  
長到天邊  
長到海口  
拜託溫柔的東風  
共我的思念  
講予阿母知  
拜託綿綿的雨水  
共我的思念  
流去阿母滯的所在

